
Q U I N T I
HORATII FLACCI
E P O D O N
L I B E R.

Q U I N T I
HORATII FLACCI
E P O D O N
L I B E R.

A D MÆCENATEM.

O D E I.

Se cum eo ad bellum Aetiacum proficisci ente ire velle.

IBIS Liburnis inter alta navium,
Amice, propugnacula,
Paratus omne Cæsaris periculum
Subire, Mæcenas, tuo.
Quid nos? quibus te vita fit superstite
Jucunda; si contra, gravis.
Utrumne jussi persequemur otium
Non dulce, ni tecum simul?
An hunc laborem mente laturi, decet
Qua ferre non molles viros?

Feremus;

Feremus; et te vel per Alpium juga,
 Inhospitalem et Caucasum,
 Vel occidentis usque ad ultimum sinum
 Forti sequemur pectore.
 Roges, tuum labore quid juvem meo
 Imbellis, ac firmus parum.
 Comes minore sum futurus in metu,
 Qui major absentes habet:
 Ut assidens implumbibus pullis avis
 Serpentium allapsus timet
 Magis relictis; non, ut adfit, auxili
 Latura plus præsentibus.
 Libentur hoc et omne militabitur
 Bellum in tuæ spem gratiæ:
 Non ut juvencis illigata pluribus
 Aratra nitantur mea;
 Pecusve Calabris ante fidus fervidum
 Lucana mutet pascuis;
 Neque ut superni villa candens Tusculi
 Circæa tangat mœnia.
 Satis superque me benignitas tua
 Ditavit: haud paravero,
 Quod aut avarus ut Chremes terra premam,
 Discinctus aut perdam ut nepos.

VITÆ

VITÆ RUSTICÆ LAUDES.

ODE II.

B EATUS ille, qui procul negotiis,
 Ut prisca gens mortalium,
 Paterna rura bobus exercet suis,
 Solutus omni fœnore;
 Nec excitatur classico miles truci,
 Nec horret iratum mare;
 Forumque vitat, et superba civium
 Potentiorum limina.
 Ergo aut adulta vitium propagine
 Altas maritat populos;
 Aut in reducta valle mugientium
 Prospectat errantes greges;
 Inutilesque falce ramos amputans,
 Feliciores inserit;
 Aut pressa puris mella condit amphoris;
 Aut tondet infirmas oves.
 Vel cum decorum mitibus pomis caput
 Autumnus arvis extulit,
 Ut gaudet infitiva decerpens pyra,
 Certantem et uvam purpuræ,
 Qua muneretur te, Priape, et te, pater
 Sylvane, tutor finium!
 Libet jacere modo sub antiqua ilice,
 Modo in tenaci gramine:

U

Labuntur

Labuntur altis interim ripis aquæ;
 Queruntur in silvis aves;
 Fontesque lymphis obstrepunt manantibus,
 Somnos quod invitet leves.
 At cum tonantis annus hibernus Jovis
 Imbres nivesque comparat,
 Aut trudit acres hinc et hinc multa cane
 Apros in obstantes plagas;
 Aut amite levi rara tendit retia,
 Turdis edacibus dolos;
 Pavidumque leporem, et advenam laqueo gruem,
 Jucunda captat præmia.
 Quis non malarum, quas amor curas habet,
 Hæc inter obliviscitur?
 Quod si pudica mulier in partem juvans
 Domum atque dulces liberos,
 (Sabina qualis, aut perusta solibus
 Pernicis uxor Appuli)
 Sacrum vetustis exstruat lignis focum,
 Lassi sub adventum viri;
 Claudensque textis cratibus lætum pecus,
 Distenta siccet ubera;
 Et horna dulci vina promens dolio,
 Dapes inemtas appetet;
 Non me Lucrina juverint conchylia,
 Magisve rhombus aut scari,
 Si quos Eois intonata fluctibus
 Hiems ad hoc vertat mare:

Non

Non Afra avis descendat in ventrem meum,
 Non attagen Ionicus
 Jucundior, quam lecta de pinguissimis
 Oliva ramis arborum,
 Aut herba lapathi prata amantis, et gravi
 Malvæ falubres corpori,
 Vel agna festis cæsa Terminalibus,
 Vel hœdus eruptus lupo.
 Has inter epulas ut juvat pastas oves
 Videre properantes domum!
 Videre fessos vomerem inversum boves
 Collo trahentes languido;
 Positosque vernas, ditis examen domus,
 Circum renidentes Lares!
 Hæc ubi locutus fœnerator Alphius,
 Jam jam futurus rusticus,
 Omnem relegit Idibus pecuniam;
 Quærit Calendis ponere.

U 2

AD

Allii detestatio.

PARENTIS olim si quis impia manu
Senile guttur fregerit;
Edit cicutis allium nocentius.
O dura messorum ilia!
Quid hoc veneni fævit in præcordiis?
Num viperinus his crux
Incoctus herbis me fefellit? an malas
Canidia tractavit dapes?
Ut Argonautas præter omnes candidum
Medea mirata est ducem,
Ignota tauris illigaturum juga,
Perunxit hoc Iasonem:
Hoc delibutis ulta donis pellicem,
Serpente fugit alite.
Nec tantus unquam fiderum infedit vapor
Siticulosæ Apuliæ:
Nec munus humeris efficacis Herculis
Inarsit æstuosius.
At, si quid unquam tale concupiveris,
Jocose Mæcenas; precor
Manum puella suavio opponat tuo,
Extrema et in sponda cubet.

AD

In ejus, ex mutata conditione, arrogantiam invehitur.

LUPIS et agnis quanta fortito obtigit,
Tecum mihi discordia est,
Ibericis peruste funibus latus,
Et crura dura compede.
Licet superbus ambules pecunia,
Fortuna non mutat genus.
Videsne, sacram metiente te viam
Cum bis ter ulnarum toga,
Ut ora vertat huc et huc euntium
Liberrima indignatio?
Sectus flagellis hic triumviralibus
Præconis ad fastidium,
Arat falerni mille fundi jugera,
Et Appiam mannis terit;
Sedibusque magnus in primis eques,
Othone contemto, sedet.
Quid attinet tot ora navium gravi
Rostrata duci pondere
Contra latrones atque servilem manum,
Hoc, hoc tribuno militum?

IN

IN CANIDIAM VENEFICAM.

O D E V.

AT O Deorum quidquid in cœlo regit
 Terras et humanum genus,
 Quid iste fert tumultus? et quid omnium
 Vultus in unum me truces?
 Per liberos te, si vocata partibus
 Lucina veris adfuit,
 Per hoc inane purpuræ decus precor,
 Per improbaturum hæc Jovem;
 Quid ut neverca me intueris, aut uti
 Petita ferro bellua?
 Ut hæc tremente questus ore constitit
 Insignibus raptis puer,
 Impube corpus, quale posset impia
 Mollire Thracum pectora:
 Canidia, brevibus implicata viperis
 Crines et incomtum caput,
 Jubet sepulcris caprificos erutas,
 Jubet cupressus funebres,
 Et uncæ turpis ova ranæ sanguine,
 Plumamque nocturnæ strigis,
 Herbasque, quas Iolcos atque Iberia
 Mittit venenorum ferax,

Et

Et offa ab ore rapta jejunæ canis,
 Flammis aduri Colchicis.
 At expedita Sagana, per totam domum
 Spargens Avernales aquas,
 Horret capillis ut marinus asperis
 Echinus, aut currens aper.
 Abacta nulla Veia conscientia
 Ligonibus duris humum
 Exhatiebat, ingemens laboribus;
 Quo posset infossus puer
 Longo die bis terve mutatae dapis
 Inemori spectaculo;
 Cum prominaret ore, quantum exstant aqua
 Suspensa mento corpora,
 Exsucta uti medulla, et aridum jecur
 Amoris effet poculum,
 Interminato cum semel fixæ cibo
 Intabuissent pupulæ.
 Non defuisse masculæ libidinis
 Ariminensem Foliam,
 Et otiosa credidit Neapolis,
 Et omne vicinum oppidum;
 Quæ fidera excantata voce Theffala,
 Lunamque cœlo deripit.
 Hic irrefectum fævo dente livido
 Canidia rodens pollicem,
 Quid dixit? aut quid tacuit? O rebus meis
 Non infideles arbitræ,

Nox,

Nox, et Diana, quæ silentium regis,
 Arcana cum fiunt facra;
 Nunc, nunc adeste : nunc in hostiles domos
 Iram atque numen vertite.
 Formidolofis dum latent filvis feræ,
 Dulci sopore languidæ;
 Senem, quod omnes rideant, adulterum
 Latrent Suburanæ canes,
 Nardo perunctum, quale non perfectius
 Meæ elaborarint manus.
 Quid accidit? Cur dira barbaræ minus
 Venena Medeæ valent,
 Quibus superbam fugit ulta pellicem,
 Magni Creontis filiam,
 Cum palla, tabo munus imbutum, novam
 Incendio nuptam abstulit?
 Atqui nec herba, nec latens in asperis
 Radix fefellit me locis.
 Indormit undis omnium cubilibus
 Oblivione pellicum.
 Ah, ah ! solitus ambulat veneficæ
 Scientioris carmine.
 Non usitatis, Vare, potionibus
 (O multa fleturum caput!)
 Ad me recurras : nec vocata mens tua
 Marsis redibit vocibus.
 Majus parabo, majus infundam tibi
 Faſtidienti poculum;

Priusque

Priusque cœlum fidet inferius mari,
 Tellure porrecta super,
 Quam non amore sic meo flagres, uti
 Bitumen atris ignibus.
 Sub hæc puer jam non, ut ante, mollibus
 Lenire verbis impias ;
 Sed dubius unde rumperet silentium,
 Misit Thyestæas preces.
 Venena magnum fas nefasque, non valent
 Converte humanam vicem.
 Diris agam vos : dira detestatio
 Nulla expiatur victima.
 Quin, ubi perire jussus expiravero,
 Nocturnus occurram furor ;
 Petamque vultus umbra curvis unguibus
 (Quæ vis Deorum est Manium)
 Et inquietis assidens præcordiis
 Pavore somnos auferam.
 Vos turba vicatim hinc et hinc faxis petens
 Contundet obſcœnas anus.
 Post insepulta membra different lupi
 Et Esquiline alites.
 Neque hoc parentes heu ! mihi superstites
 Effugerit spectaculum.

O D E VI.

In Cassium Severum, poetam maledicum.

QUID immerentes hospites vexas, canis,
Ignavus adversum lupos?
Quin huc inanes, si potes, vertis minas,
Et me remorsurum petis?
Nam qualis aut Molossus, aut fulvus Lacon,
Amica vis pastoribus,
Agam per altas aure sublata nives,
Quæcunque præcedet fera.
Tu, cum timenda voce complesti nemus,
Projectum odoraris cibum.
Cave, cave: namque in malos asperrimus
Parata tollo cornua;
Qualis Lycambæ spretus infido gener,
Aut acer hostis Bupalo.
An, si quis atro dente me petiverit,
Inultus ut flebo puer?

AD

AD POPULUM ROMANUM.

O D E VII.

Ne bella civilia redintegrant.

QUO, quo, scelesti, ruitis? aut cur dexteris
Aptantur enses conditi?
Parumne campis atque Neptuno super
Fufum est Latini sanguinis?
Non ut superbas invidæ Carthaginis
Romanus arces ureret;
Intactus aut Britannus ut descenderet
Sacra catenatus via:
Sed ut, secundum vota Parthorum, sua
Urbs hæc periret dextera.
Neque hic lupis mos, nec fuit leonibus;
Nunquam nisi in dispar feris.
Furorne cæcos, an rapit vis acrior,
An culpa? Responsum date—
Tacent: et ora pallor albus inficit;
Mentesque percussæ stupent.
Sic est: Acerba fata Romanos agunt,
Scelusque fraternæ necis;
Ut immerentis fluxit in terram Remi
Sacer nepotibus crux.

X 2

O D E

O D E VIII.

In anum libidinosam.

RO G A R E longo putidam te seculo,
 Vires quid enervet meas?
 Cum sit tibi dens ater, et rugis vetus
 Frontem senectus exaret;
 Hietque turpis inter aridas nates
 Podex, velut crudæ bovis.
 Sed incitat me pectus, et mammæ putres,
 Equina quales ubera;
 Venterque mollis, et femur tumentibus
 Exile furis additum.
 Esto beata: funus atque imagines
 Ducant triumphales tuum:
 Nec sit marita, quæ rotundioribus
 Onusta baccis ambulet
 Quid, quod libelli Stoici inter sericos
 Jacere pulvilos amant?
 Illiterati num minus nervi rigent?
 Minusve languet fascinum?
 Quod ut superbo provokes ab inguine,
 Ore allaborandum est tibi.

AD

A D MÆCENATEM.

O D E IX.

Adiacæ victoriæ primordia celebrat.

QUANDO reposum Cæcubum ad festas dapes,
QVictore lætus Cæsare,
 Tecum sub alta (sic Jovi gratum) domo,
 Beate Mæcenas, bibam?
 Sonante mistum tibiis carmen lyra,
 Hac Dorium, illis Barbarum:
 Ut nuper; actus cum freto Neptunius
 Dux fugit uftis navibus,
 Minatus Urbi vincla, quæ detraxerat
 Servis amicus perfidis.
 Romanus (eheu! posteri negabitis)
 Emancipatus feminæ
 Fert vallum et arma miles, et spadonibus
 Servire rugosis potest:
 Interque signa turpe militaria
 Sol aspicit conopeum.
 Ad hoc frementes verterunt bis mille equos
 Galli, canentes Cæarem:
 Hostiliumque navium portu latent
 Puppes finistrorum citæ.

Io

Io Triumphe; tu moraris aureos
 Curru, et intactas boves.
 Io Triumphe; nec Jugurthino parem
 Bello reportasti ducem;
 Neque africanum, cui super Carthaginem
 Virtus sepulcrum condidit.
 Terra marique victus hostis Punico
 Lugubre mutavit fagum.
 Aut ille centum nobilem Cretam urbibus
 Ventis iturus non fuis,
 Exercitatas aut petit Syrtes Noto;
 Aut fertur incerto mari.
 Capaciores affer huc, puer, scyphos,
 Et Chia vina aut Lesbia;
 Vel, quod fluentem nauream coerceat,
 Metire nobis Cæcubum.
 Curam metumque Cæsaris rerum juvat
 Dulci Lyæo solvere.

IN

IN MÆVIUM.

ODE X.

Tempestatem et naufragium ei imprecatur.

MALA soluta navis exit alite
 Ferens olenem Mævium.
 Ut horridis utrumque verberes latus,
 Auster, memento fluctibus.
 Niger rudentes Eurus, inverso mari,
 Fractosque remos differat.
 Infurgat Aquilo, quantus altis montibus
 Frangit trementes ilices.
 Nec fidus atra nocte amicum appareat,
 Qua tristis Orion cadit:
 Quietiore nec feratur æquore
 Quam Graia victorum manus;
 Cum Pallas usto vertit iram ab Ilio
 In impiam Ajacis ratem.
 O quantus instat navis sudor tuis,
 Tibique pallor luteus,
 Et illa non virilis ejulatio,
 Preces et aversum ad Jovem;
 Ionius udo cum remugiens finus
 Noto carinam ruperit!

Opima

Opima quod si præda curvo litore
Porrecta mergos juveris;
Libidinosus immolabitur caper,
Et agna Tempestatibus.

A D P E T T I U M.

O D E XI.

*Se amore captum non posse ad versus faciendoſ ope-
ram et ſtudium confeſſe.*

PETTI, nihil me, ſicut antea, juvat
Scribere verſiculos,
Amore perculſum gravi;
Amore, qui me, præter omnes, expetit
Mollibus in pueris,
Aut in puellis urere.
Hic tertius December, ex quo deſtitit
Inachia furere,
Silvis honorem decutit.
Heu me, per Urbem (nam pudet tanti mali)
Fabula quanta fui!
Conviviorum ut poenitet,
In queis amantem et languor et ſilentium
Arguit, et latere
Petitus imo ſpiritus!
Contrane lucrum nil valere candidum

Pauperis

Pauperis ingenium,
Querebar applorans tibi;
Simul calentis inverecundus Deus

Fervidiore mero
Arcana promorat loco.

Quod fi meis inæſtuet præcordiis
Libera bilis, ut hæc

Ingrata ventis dividat

Fomenta, vulnus nil malum levantia;

Definet imparibus

Certare ſummotus pudor.

Ubi hæc feverus te palam laudaveram,

Jufſus abire domum,

Ferebar incerto pede

Ad non amicos heu! mihi poſtes, et heu!

Limina dura; quibus

Lumbos et infregi latus.

Nunc, gloriantis quamlibet mulierculam

Vincere mollitie,

Amor Lycisci me tenet:

Unde expedire non amicorum queant

Libera confilia,

Nec contumeliae graves;

Sed aliis ardor, aut puellæ candidæ,

Aut teretis pueri

Longam renodantis comam.

O D E XII.

In anum fædam, quæ illius amores ambiebat.

QUID tibi vis, mulier nigris dignissima barris?
Munera quid mihi, quidve tabellas
 Mittis, nec firmo juveni, neque naris obesæ?
 Namque sagacius unus odoror,
 Polypus, an gravis hirsutis cubet hircus in alis,
 Quam canis acer, ubi lateat fus.
 Quis sudor vietis, et quam malus undique membris
 Crescit odor! cum pene soluto
 Indomitam properat rabiem sedare; nec illi
 Jam manet humida creta, colorque
 Stercore fucatus crocodili; jamque subando
 Tenta cubilia, tectaque rumpit.
 Vel mea cum fævis agitat fastidia verbis:
 Inachia langues minus ac me;
 Inachiam ter nocte potes; mihi semper ad unum
 Mollis opus. Pereat male, quæ te
 Lesbia quærenti taurum monstravit inertem;
 Cum mihi Cous adesset Amyntas,
 Cujus in indomito constantior inguine nervus,
 Quam nova collibus arbor inhæret.
 Muricibus Tyriis iteratae vellera lanæ
 Cui properabantur? Tibi nempe;

Ne foret æquales inter conviva, magis quem
 Diligeret mulier sua, quam te.
 O ego non felix! quam tu fugis, ut pavet acres
 Agna lupos, capræque leones.

A D A M I C U M.

O D E XIII.

HORRIDA tempestas cœlum contraxit; et imbræ
 Nivesque deducunt Jovem:
 Nunc mare, nunc filuæ
 Threicio Aquilone sonant. Rapiamus, amice,
 Occasionem de die;
 Dumque virent genua,
 Et decet, obducta solvatur fronte senectus.
 Tu vina Torquato move
 Consule preffa meo.
 Cætera mitte loqui: Deus hæc fortasse benigna
 Reducet in sedem vice.
 Nunc et Achæmenio
 Perfundi nardo juvat, et fide Cyllenea
 Levare duris pectora
 Sollicitudinibus:
 Nobilis ut grandi cecinit Centaurus alumno:
 Invictæ, mortalis Dea
 Nate puer Thetide,
 Te manet Assaraci tellus, quam frigida parvi

Findunt Scamandri flumina,
Lubricus et Simois:
Unde tibi redditum certo subtemine Parcæ
Rupere; nec mater domum
Cærula te revehet.
Illic omne malum vino cantuque levato,
Deformis ægrimoniacæ
Dulcibus alloquiis.

A D MÆCENATEM.

O D E XIV.

*Phrynes amorem obſtare quo minus iambos promiſſos
abſolvat.*

MOLLIS inertia cur tantam diffuderit imis
Oblivionem fensibus,
Pocula Lethæos ut si ducentia somnos
Arente fauce traxerim,
Candide Mæcenas, occidis ſæpe rogando:
Deus, Deus nam me vetat
Inceptos, olim promiſſum carmen, iambos
Ad umbilicum adducere.
Non aliter Samio dicunt arſiffe Bathyllo
Anacreonta Teium;
Qui per ſæpe cava testudine flevit amorem
Non elaboratum ad pedem.

Ureris

Ureris ipſe miser: quod fi non pulchrior ignis
Accedit obſeffam Ilion,
Gaude forte tua. Me libertina, neque uno
Contenta, Phryne macerat.

A D N E Æ R A M.

O D E XV.

Non ſervatam ab ea fidem conqueritur.

NOX erat, et cœlo fulgebat luna ſereno
Inter minora fidera;
Cum tu magnorum numen læfura Deorum
In verba jurabas mea,
Arctius atque edera procera aſtrigitur ilex,
Lentis adhærens brachiis:
Dum pecori lupus, et nautis infestus Orion
Turbaret hibernum mare,
Intonſoſque agitaret Apollinis aura capillos,
Fore hunc amorem mutuum.
O dolitura mea multum virtute, Neæra:
Nam fi quid in Flacco viri eſt,
Non feret affiduas potiori te dare noctes;
Et quæret iratus parem:
Nec ſemel offendit cedet constantia formæ,
Si certus intrarit dolor.
At tu, quicunque es felicior, atque meo nunc
Superbus incedis malo,

Sis

Sis pecore et multa dives tellure licebit,
 Tibique Pactolus fluat,
 Nec te Pythagoræ fallant arcana renati,
 Formaque vincas Nirea;
 Eheu! transflatos alio mōrebris amores:
 Ast ego vicissim risero.

AD POPULUM ROMANUM.

O D E XVI.

*Questus bellorum civilium nullum esse finem, monet ut
 patriam deferant.*

ALTERA jam teritur bellis civilibus ætas;
 Suis et ipsa Roma viribus ruit.
 Quam neque finitimi valuerunt perdere Marfi,
 Minacis aut Etrusca Porsenæ manus,
 Æmula nec virtus Capuæ, nec Spartacus acer,
 Novisque rebus infidelis Allobrox;
 Nec fera cœrulea domuit Germania pube,
 Parentibusque abominatus Annibal;
 Impia perdemus devoti sanguinis ætas?
 Ferisque rursus occupabitur solum?
 Barbarus heu! cineres infistet victor? et Urbem
 Eques sonante verberabit ungula?
 Quæque carent ventis et solibus offa Quirini
 (Nefas videre) dissipabit insolens?

Forte

Forte (quid expedit) communiter, aut melior pars
 Malis carere quæritis laboribus.
 Nulla fit hac potior sententia (Phocæorum
 Velut profugit exfœcata civitas
 Agros atque Lares patrios, habitandaque fana
 Apris reliquit et rapacibus lupis)
 Ire pedes quounque ferent; quounque per undas
 Notus vocabit, aut protervus Africus.
 Sic placet? an melius quis habet suadere? Secunda
 Ratem occupare quid moramur alite?
 Sed juremus in hæc: Simul imis faxa renarint
 Vadis levata, ne redire fit nefas:
 Neu conversa domum pigeat dare lintea, quando
 Padus Matina laverit cacumina;
 In mare seu celsus procurrerit Apenninus,
 Novaque monstra junxerit libidine
 Mirus amor; juvet ut tigres subfidere cervis,
 Adulteretur et columba miluo;
 Credula nec ravos timeant armenta leones;
 Ametque falsa levis hircus æquora.
 Hæc, et quæ poterunt redditus abscindere dulces,
 Eamus omnis exfœcata civitas,
 Aut pars indocili melior grege: mollis et exspes
 Inominata perprimat cubilia.
 Vos, quibus est virtus, muliebrem tollite lucum,
 Etrusca præter et volate litora.
 Nos manet Oceanus circum vagus: arva, beata
 Petamus arva, divites et insulas;

Reddit

Reddit ubi Cererem tellus inarata quotannis,
 Et imputata floret usque vinea;
 Germinat et nunquam fallentis termes olivæ,
 Suamque pulla ficus ornat arborem;
 Mella cava manant ex ilice; montibus altis
 Levis crepante lympha defilit pede.
 Illic injussæ veniunt ad mulctra capellæ,
 Refertque tenta grex amicus ubera;
 Nec vespertinus circumgemit ursus ovile,
 Nec intumescit alta viperis humus:
 Pluraque felices mirabimur; ut neque largis
 Aquosus Eurus arva radat imbribus,
 Pingua nec fuccis urantur semina glebis;
 Utrumque rege temperante cœlitum.
 Non huc Argoo contendit remige pinus;
 Neque impudica Colchis intulit pedem:
 Non huc Sidonii torserunt cornua nautæ;
 Laboriosa nec cohors Ulyssæ.
 Nulla nocent pecori contagia: nullius astri
 Gregem æstuosa torret impotentia.
 Jupiter illa piæ secrevit litora genti,
 Ut inquinavit ære tempus aureum:
 Ærea dehinc ferro duravit secula; quorum
 Piis secunda, vate me, datur fuga.

AD

AD CANIDIAM.

ODE XVII.

Ut sibi tandem ignoscat.

JAM jam efficaci do manus scientiæ;
 J Supplex et oro regna per Proserpinæ,
 Per et Dianæ non movenda numina,
 Per atque libros carminum valentium
 Refixa cœlo devocare fidera;
 Canidia, parce vocibus tandem facris,
 Citumque retro solve, solve turbinem.
 Movit nepotem Telephus Nereium,
 In quem superbus ordinarat agmina
 Myorum, et in quem tela acuta torserat.
 Unxere matres Iliæ addictum feris
 Alitibus atque canibus homicidam Hectorem;
 Postquam relicts mœnibus rex procidit
 Heu! pervicacis ad pedes Achillei.
 Setosa duris exuere pellibus
 Laboriosi remiges Ulyssæ,
 Volente Circe, membra: tunc mens, et sonus
 Relatus, atque notus in vultus honor.
 Dedi fatis superque poenarum tibi,
 Amata nautis multum et institoribus.

Z

Fugit

Fugit juventas, et verecundus color
Reliquit; offa pelle amicta lurida.
Tuis capillus albus est odoribus.
Nullum a labore me reclinat otium.
Urget diem nox, et dies noctem; neque est
Levare tenta spiritu præcordia.
Ergo negatum vincor ut credam miser,
Sabella pectus increpare carmina:
Caputque Marfa diffilire nænia.
Quid amplius vis? O mare! O terra! ardeo,
Quantum neque atro delibutus Hercules
Nessi crouore, nec Sicana fervida
Furens in Ætna flamma. Tu, donec cinis
Injuriosis aridus ventis ferar,
Cales venenis officina Colchicis.
Quæ finis? aut quod me manet stipendum?
Effare: jussas cum fide poenas luam:
Paratus expiare, seu poposceris
Centum juvencis: five mendaci lyra
Voles sonari, tu pudica, tu proba
Perambulabis altra fidus aureum.
Infamis Helenæ Castor offensus vicem,
Fraterque magni Castoris, vieti prece,
Ademta vati reddidere lumina.
Et tu (potes nam) solve me dementia,
O nec paternis obsoleta fordibus,
Nec in sepulcris pauperum prudens anus
Novendiales dissipare pulveres.

Tibi

Tibi hospitale pectus, et puræ manus;
Tuusque venter partumeius; et tuo
Cruore rubros obstetrix pannos lavit,
Utcunque fortis exfilis puerpera.

CANIDIÆ RESPONSIΟ.

Nullis se precibus exorari posse.

QUID obseratis auribus fundis preces?
Non faxa nudis furdiora navitis
Neptunus alto tundit hibernus salo.
Inultus ut tu riferis Cotyttia
Vulgata, sacrum liberi Cupidinis?
Et Esquilini pontifex benefici
Impune ut Urbem nomine impleris meo?
Quid proderit ditasse Pelignas anus,
Velociusve miscuisse toxicum?
Sed tardiora fata te votis manent:
Ingrata misero vita ducenda est, in hoc,
Novis ut usque suppeditas doloribus.
Optat quietem Pelopis infidus pater,
Egens benignæ Tantalus semper dapis;
Optat Prometheus obligatus aliti;
Optat supremo collocare Sisyphus
In monte faxum: sed vetant leges Jovis.
Voles modo altis defilire turribus,
Modo ense pectus Norico recludere;

Z 2

Frustraque

Frustraque vincla gutturi innectes tuo,
 Fastidiosa tristis ægrimonias.
 Vectabor humeris tunc ego inimicis eques,
 Meæque terra cedet insolentiaæ.
 An quæ movere cereas imagines,
 (Ut ipse nosti curiosus) et polo
 Deripere lunam vocibus possim meis,
 Possim crematos excitare mortuos,
 Defiderique temperare pocula;
 Plorem artis in te nil valentis exitum?

Q U I N T I

HORATII FLACCI
CARMEN SECULARE.

Pro Imperii Romani incolumitate.

P H O E B E , silvarumque potens Diana,
 Lucidum cœli decus, O colendi
 Semper et culti, date quæ precamur
 Tempore facro;
 Quo Sibyllini monuere versus
 Virgines lectas puerosque castos
 Dis, quibus septem placuere colles,
 Dicere carmen.
 Alme Sol, curru nitido diem qui
 Promis et celas, aliisque et idem
 Nasceris; possis nihil urbe Roma
 Vifere majus.
 Rite maturos aperire partus
 Lenis Ilithyia, tuere mātres;
 Sive tu Lucina probas vocari,
 Seu Genitalis.

Diva,